

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat (Amigartoorutit ukiuni tulluittuni ilanngaatigineqarsinnaanerisa killiliivigineqarnerat kiisalu iluanaarutisiatut isigineqartut annertusineqarnerat)

§ 1.

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermik Inatsisartut inatsisaatigut nr. 9, 11. november 2000-imeersukkut allanngortinneqartumi makku allannguutigittinneqartut:

1. § 21 a-p kingornanut ilanngunneqassaaq:

"§ 21 b. Aningaasarsiat akileraaruteqaataasussat naatsorsorneqartut, ukiumi aningaasarsiorfusumi naatsorsuutitigut nalikilliliissutaasunit annertunerusunik tamakkiisumik ilaannakortumilluunniit akileraarutitigut nalikilliliinernik pissuteqartumik amigartoorutaappata, taava amigartoorutit naatsorsorneqartut ilaat taakku ukiuni aningaasarsiorfusuni tulluittuni aningaasarsianit akileraaruteqaataasussanit ilanngaatigineqarsinnaanngillat.

Imm. 2. Akileraarutitigut nalikilliliissutit imm. 1-imi taaneqartut utertinneqarnissaat qinnuteqartoqarneratigut Skatterådimit akuersissutigineqarsinnaavoq."

2. § 70, imm. 2 ima oqaasertaqassaaq:

"Imm. 2. Iluanaarutisiatut isigineqartut suulluunniit aktiaatilinnut pisassaritinneqartut tamaasa, taamaallaat aktiat akilersinnagit aktiaatilinnut tunniunneqartut aamma akiliisinnajunnaarnermi pigisat aningaasanngortitaaneranni iluanaarutit pinnagit. Pissutsit taakku aamma atuupput anpartinik piginnittunik iluanaarutisitsinermi."

3. § 81, imm. 1, oqaaseqatigiit siulliit ima oqaasertaqassapput:

"Akileraarutit piffissaagallartillugu akileraarsimannigippata kommunip pineqartup imaluunniit Akileraartarnermi Pisortaqaarfiup akileraartussaaitap unerartitsiusaaitalluunniit Kalaallit Nunaanni sulisitsisua allaffigalugu peqqusinnaavaa atorfeqartup kiffartuussinermini aningaasanngorlugit akissarsiaasa ilaannik aningaasat amigaataasut tapiissutinik, ernianik immikkullu akiliutissanik ilallit matuneqarnissaannut naammattunik unerartitsillunilu unerartitanik kommunimut pineqartumut imaluunniit Akileraartarnermi Pisortaqaarfimmu akiliuteqaqqullugu."

§ 2.

Inatsisartut inatsisaat 1. juni 2001-imiit atuutilissaaq.

Imm. 2. § 1, nr. 1 ukioq aningaasarsiorfusooq 2000 aallarnerfigalugu atortuulissaaq.

Imm. 3. § 1, nr. 2 inatsisissatut siunnersuutip saqqummiunneqarneraniit atortuulissaaq*. Skatterådip akuersissuteqarneratigut aalajangersagaq saneqqunneqarsinnaavoq.

Namminersornerullutik Oqartussat, ulloq 31. maj 2001

Jonathan Motzfeldt

/

Josef Motzfeldt

*Inatsisissatut siunnersuut saqqummiunneqarpoq siullermeerlugulu oqaluuserineqarluni ullormi 7. maj 2001-imi, taamaasilluni § 1, nr. 2 ullormit tassanngaaniit atuutilersinneqarluni, takuuk § 2, imm. 3.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut